



UNIVERSITÄTS-
BIBLIOTHEK
PADERBORN

Universitätsbibliothek Paderborn

Thomæ A Kempis Canonici Regvlaris Ord. S. Avgvstini De Imitatione Christi Libri Qvatvor

Thomas <von Kempen>

Antverpiæ, 1617

Cap. VIII. De oblatione Christi in cruce, & propria resignatione.

[urn:nbn:de:hbz:466:1-45760](https://nbn-resolving.org/urn:nbn:de:hbz:466:1-45760)

ferre. Si fecerit homo, quod in se est,
 & verè pœnituerit : quotiescumque
 pro venia & gratia ad me accesserit,
 Viuo ego, dicit Dominus, qui nolo Exec. 18
 mortem peccatoris, sed vt magis con-
 uertatur & viuat : quoniam peccato-
 rum suorum non recordabor ampliùs,
 sed cuncta sibi indulta erunt.

CAP. VIII.

*De oblatione Christi in cruce, & pro-
 pria resignatione.*

VOX DILECTI.

SICVT ego meipsum, expansis in Isa. 53.
 cruce manibus, & nudo corpore, & Heb.
 pro peccatis tuis Deo Patri sponte ob- 9.
 tuli, ita vt nihil in me remaneret, quin
 totum in sacrificium diuinæ placatio-
 nis transfiret : ita debes & tu temet-
 ipsum mihi voluntariè, in oblationem
 puram & sanctam, quotidie in Missa,
 cum omnibus viribus & affectibus
 tuis, quantò intimiùs vales, offerre.
 Quid magis à te requiro, quàm vt Prov. 23
 te studeas mihi ex integro resigna-
 re ? Quidquid præter teipsum das,
 nihil

nihil curo: quia non quæro datum tuum, sed te.

2 Sicut non sufficeret tibi omnibus habitis, præter me: ita nec mihi placere poterit, quicquid dederis, te non oblato. Offer te mihi, & da te totum pro Deo, & erit accepta oblatio. Ecce, ego me totum obtuli Patri pro te; dedi etiam totum Corpus meum & Sanguinem in cibum, vt totus tuus essem, & tu meus permaneres. Si autem in teipso steteris, nec sponte te ad voluntatem meam obtuleris, non est plena oblatio, nec integra erit inter nos unio. Igitur omnia opera tua præcedere debet, spontanea tui ipsius in manus Dei oblatio, si libertatem consequi vis & gratiam. Ideò enim tan pauci illuminati, & liberi intus efficiuntur, quia seipsum ex toto abnegare nesciunt. Est firma sententia mea:

Luc. 14. Nisi quis renuntiauerit omnibus, non potest meus esse discipulus. Tu ergo si optas meus esse discipulus, offer teipsum mihi, cum omnibus affectibus tuis.

CAP,